







于湖先生雅詞序



蘇明允不工於詩歐陽永叔不工於賦曾子固  
短於韻語黃魯直短於散語蘇子瞻詞如詩秦  
少游詩如詞才之難全也豈前輩猶不免耶  
紫微張公孝祥姓字風雷於一世辭彩日星於  
群因其出入皇王縱橫禮樂固已見於萬言之  
陞對其判花視草演絲為綸固已形於尺一之  
詔書至於託物寄情弄翰戲墨融取樂府之遺  
意鑄為毫端之妙詞前無古人後無來者散落  
人間今不知其幾也比遊荆湖間得公于湖集



所作長短句凡數百篇讀之冷然灑然真非煙  
火食人辭語予雖不及識荆然其瀟散出塵之  
姿自在如神之筆邁往凌雲之氣猶可以想見  
也使天假之年被之聲歌薦之郊廟當其英莖  
韶護間作而遞奏非特如是而已一日鳳鳥去  
千年梁木摧予深為公惜也于湖者公之  
別號也昔陳季常晦其名自稱為龍丘子嘗作  
無愁可解東坡為之序引世之不知者遂以龍  
丘為東坡之號予故表而出之乾道辛卯仲冬  
朔日建安陳應行季陸序

于湖先生長短句目錄

狀元張孝祥安國撰

第一卷

六州歌頭 大石調 一首 水調歌頭 大石調 十三首

念奴嬌 大石調 四首 滿江紅 仙呂調 四首

定風波 商調 一首 木蘭花慢 高平調 三首

第二卷

雨中花 雙調 二首 水龍吟 越調 二首

多麗 中呂調 一首 蝶戀花 商調 二首

訴衷情 商調 一首 鷓鴣天 大石調 十三首



眼兒媚 中呂調 一首

第三卷

虞美人 正宮 四首

踏莎行 中呂調 六首

生查子 中呂調 一首

二郎神 林鐘商 一首

第四卷

浣溪沙 黃鐘宮 十八首

減字木蘭花 仙呂調 六首

憶秦娥 黃鐘宮 二首

鵲橋仙 仙呂調 七首

菩薩蠻 正平調 七首

臨江仙 仙呂調 二首

西江月 中呂宮 九首

醉落魄 仙呂調 一首

念奴嬌 大石調 一首

第五卷

浣溪沙 黃鐘宮 一首

醜奴兒 大石調 四首

卜筮子 高平調 二首

望江南 大石調 二首

鳳棲梧 商調 一首

青玉案 正平調 一首

清平樂 正宮 三首

歸自遙 高平調 三首

蝶戀花 商調 一首

柳稍青 中呂宮 一首

點絳脣 仙呂調 二首

南歌子 轉調 二首

柳梢青 中呂宮 二首

瑞鷓鴣 般涉調 一首

南鄉子 雙調 一首

霜天曉角 越調 一首

醜奴兒 大石調 一首

于湖先生長短句目錄終

于湖先生長短句卷第一

六州歌頭



長淮望斷，開塞莽然平。征塵暗，霜風勁，悄邊聲。  
黯銷凝。追想當年事，殆天數，非人力。洙泗上，絃  
歌地，亦殫腥。隔水蘊鄉，落日牛羊下，區脫縱橫。  
看名王宵獵，騎火一川明。笳鼓悲鳴，遣人驚。  
念腰間箭匣中，劒空埃。蠹竟何成時，易失心，徒  
壯歲，將零渺。神京干羽方懷遠，靜烽燧，且休兵。  
冠蓋使，紛馳騖。若為情。聞道中原遺老，長南望，  
羽葆霓旌。使行人到此，忠憤氣填膺，有淚如傾。



水調歌頭 凱歌奉寄湖南安撫舍人劉公

猩鬼嘯篁竹玉帳夜分弓少年荆楚劍客突騎  
錦襜紅千里風飛雷厲四校星流彗掃蕭斧挫  
春葱談笑青油幕日奏捷書同詩書帥黃閣  
老黑頭公家傳鴻寶秘略小試不言功聞道璽  
書頻下看即沙堤歸去帷幄且從容君王自神  
武一舉朔庭空

又與喻才子同登金山江平如席月白如晝

安國賦此調

江山自雄麗風露與高寒寄牋月姊借我玉鑑

此中看幽壑魚龍悲嘯倒影星辰搖動海氣夜  
漫湧起白雲闕危駐紫金山表獨立飛霞  
珮切雲冠漱冰濯雪眇視萬里一毫端回首三  
山何處聞道群仙笑我要我欲俱還揮手從此  
去翳鳳更驂鸞

又

汪德邵作無盡藏樓於棲霞之間取玉局老仙遺意張安國過為賦此詞

淮楚襟帶地雲夢澤南州滄江翠壁佳處突兀  
起紅樓憑仗史君曾次為問仙翁何在長嘯俯  
清秋試遣吹簫看騎鶴恐來遊欲乘風凌萬  
頃泛扁舟山高月小霜露既降凜不能留一



弔周郎羽扇尚想曹公橫槊興廢兩悠々此意  
無盡藏分付水東流

又帥靜江作

五嶺皆炎熱宜人獨桂林江南驛使未到梅蓋  
透春心繁會九衢三市縹緲層樓疊觀雪片一  
冬深自是清涼國不遣瘴塵侵溪山好青羅  
帶碧玉簪平沙細浪欲盡陟起忽千尋家種黃  
柑丹荔戶拾明珠翠羽簫鼓夜沉々莫問驂鸞  
事有酒且頻斟

又桂林中秋作

今夕復何夕此地過中秋賞心亭上喚客追憶  
去年遊千里江山如畫萬井笙歌不夜挾路看  
黿頭玉界湧銀闕珠箔捲瓊鈎馭風去忽吹  
到嶺南州去年明月依舊還照我登樓下水  
明沙淨樓外參橫斗轉搔首思悠々老子興不  
淺聊復少淹留

又過瀟湘作

濯足夜灘急稀髮北風涼吳山楚澤行盡只欠  
到瀟湘買得扁舟歸去此事天公付我六月下  
滄浪蟬蛻塵埃外蝶夢水雲鄉製荷衣紉蘭



珮把萍房湘妃起舞一笑撫瑟奏清商喚起九  
歌忠憤拂拭三閭文字還與日爭光莫遣兒輩  
覺此樂未渠央

又

艤棹太湖岸天與水相連垂虹亭上五年不到  
故依然洗我征塵三斗快挹商飈千里鷗鷺亦  
翩身在水晶闕真作馭風仙望中秋無五  
日月還圓倚欄清唱孤發驚起壑龍眠欲酌鴟  
夷西子未辦當年功業空繫五湖船不用知餘  
事鱸膾正甘鮮

又

聞采石戰勝

雪洗虜塵靜風約楚雲留何人為寫悲壯吹角  
古城樓湖海平生豪氣關塞如今風景剪燭看  
吳鉤賸喜燃犀處駭浪與天浮憶當年周與  
謝富春秋小喬初嫁香囊猶在功業故優游赤  
岸磯頭落照淝水橋邊衰草渺、喚人愁我欲  
乘風去擊楫誓中流

又

天上掌綸手闔外折衝才發蹤指示平蕩全楚  
息氛埃緩帶輕裘多暇燕寢木簾嚴兵衛香篆幾



徘徊襦袴見歌詠桃李藉栽培  
紫泥封天筆  
潤日邊來趣裝入覲行矣歸去作鹽梅祖帳不  
須逸道看取眉間一點喜氣入尊壘此去沙湜  
路平步上三台

又

隆中三顧客圯上一編書英雄當日感會餘事  
了寰區千載神交二子一笑渺然於世却顧駕  
柴車常憶淮南岸耕釣混樵漁  
忽扁舟凌駭  
浪到三吳綸巾羽扇笑容與列仙如豈為尊羨  
鱸膾便挂衣冠神武此興渺江湖舉酒對明月

高曳紫霞裾

又

隱靜山中大雨

青嶂度雲氣幽壑舞迴風山神助我竒觀喚起  
碧霄龍電掣金蛇千丈霆震靈鼉萬壘洶欲  
崩空誰瀉銀河水散入寶蓮宮  
坐中客凌積  
翠看奔洪人間應失匕筋高處獨從容洗盡平  
生塵土潤及無邊焦槁造物不言功天宇忽開  
霽日在五雲東

又

送謝倅之臨安

客裏送行客常苦不勝情見公秣馬東去底事



却欣、不為青氊俯拾自是公家舊物何必更  
關心且喜謝安石重起為蒼生 聖天子方側  
席選豪英日邊仍有知己應剡薦章間好把文  
經武畧換取碧幢紅旆談笑掃胡塵勲業在此  
舉莫厭短長亭

又送劉帥趨朝

鼇禁輟頗牧熊軾賴龔黃一時林莽千險蟻午  
要驅攘金版云韜初試烟斂山空野迥低草見  
牛羊旒纒釋南顧戈甲濯銀潢 玉書下褒懿  
績促曹裝帝衷天近紅旆東去帶朝陽登輔五

雲丹陞迴首楚樓千里遺愛滿瀟湘應記依劉  
客曾此捧離觴

念奴嬌 過洞庭

洞庭青草近中秋更無一點風色玉界瓊田三  
萬頃着我扁舟一葉素月分輝銀河共影表裏  
俱澄徹悠然心會妙處難與君說 應念嶺海  
經年孤光自照肝肺皆冰雪短髮蕭騷襟袖冷  
穩泛滄浪空濶盡挹西山細斟北斗萬象為賓  
客扣舷獨嘯不知今夕何夕

又 欲雪呈朱漕



朔風吹雨送淒涼  
天氣垂垂欲雪萬里南荒霧  
滿弱水蓬萊相接凍合龍岡  
寒侵銅柱碧海冰  
漸結憑高獨嘯問君何處炎熱  
家住楚尾吳  
頭歸期猶未對此驚時節  
憶得年時貂帽煖鐵  
馬千群觀獵狐兔成車  
笙歌震地歸踏層城月  
持盃且醉不須北望淒切

又

再用韻呈朱丈

繡衣使者度郢中  
絕唱陽春白雪人物應須天  
上去一日君恩三接粉署  
香濃宮林錦重便把  
絲絢結片心如  
水不教炙手成熟  
還記嶺海

相從長松千丈映我秋竿  
節忍凍推敲清興滿  
風裏烏巾獵獵只要東歸  
心入夢泛寒江  
月不因萼繪白頭親望真切

又

仲欽提刑仲冬行邊漫呈小詞以備鼓吹之闕

弓刀陌上過蠻煙  
瘴雨朔雲邊雪幕府橫驅三  
萬里一把平安遙接方丈三韓  
西山八詔慕義  
羞椎結梯航入貢路經頭  
痛身熱今代文武  
通人青霄不上却把南州節  
虜馬秋肥鷗力健  
應看名王宵獵壯士長歌  
故人一笑趁得梅花  
月王春奏記便須平步清切



滿江紅 思歸寄柳州林守

秋滿離原瘴雲淨曉山如簇動遠思空江小艇  
高丘喬木策々西風雙鬢底暉々寒日朱欄曲  
試側身回首望京華迷南北思歸夢天邊鵲  
游宦事蕉中鹿想一年好處砌紅堆綠羅帕分  
甘霜落齒冰盤剥芡珠盈掬倩春纖縷膾擣香  
蕕新筍熟

又

秋滿衡臯烟蕪外吳山遙碧風乍起蘭舟不住  
浪花如席離岸櫓聲驚漸遠盈襟淚點淒猶滴

問此情能有幾人知新相識追往事懽連夕  
經舊館人非昔把輕顰淺笑細思量紅葉題詩  
誰與寄青樓薄幸今遺迹但長洲茂苑草淒々  
愁如織

定風波

鈴索收聲夜未央起尋花影步迴廊莫道嶺南  
冬更煖君看梅花如雪月如霜見說墻西歌  
吹好玉人夾坐勸飛觴老子婆婆成獨冷誰省  
自挑寒炷自添香

木蘭花



送歸雲去鴈澹寒彩滿溪樓正珮解湘腰釵孤  
楚髻鸞鏡分收凝晴望行處路但踈煙遠樹織  
離憂惟有樓前溪水伴人清淚長流霜華夜  
永逼衾裯喚誰換衣篝念粉館重來芳塵未掃  
爭忍嬉遊情知悶來殢酒柰迴腸不醉只添愁  
默、無言竟日斷魂雙鷺南州

又

紫簫吹散後恨燕子只空樓念璧月長虧玉簪  
中斷覆水難收青鸞送碧雲句道霞扃霧鎖不  
堪憂情與文梭共織怨隨宮葉同流人問天

上兩悠、暗淚灑燈篝記谷口園林當時驛舍  
夢裏曾遊雲屏低問笑語柰醉時言語醒時愁  
擬把菱花一半試尋高價皇州

又

擁貔貅萬騎聚千里鐵衣寒正玉帳連雲油幢  
映日飛箭天山錦城啟方面重對籌壺盡日雅  
歌閑休遣沙場虜騎尚餘足馬空還那看更  
值春殘斟綠醕對朱顏正宿雨催紅和風換翠  
梅小香慳牙旗漸西去也望梁州故壘暮雲間  
休使佳人歛黛斷腸低唱陽關



于湖先生長短句卷第一

于湖先生長短句卷第二

雨中花

一葉凌波十里御風烟  
 鬢霧鬢蕭蕭認得江皋  
 玉珮水館冰綃秋靜明霞乍吐  
 夜涼宿霧初消恨微顰不語  
 少進還收竚立超搖神交冉々  
 愁思盈々斷魂欲遣誰招  
 猶似待青鸞傳信烏鵲成橋  
 悵望胎仙琴壘忍看翡翠蘭苕  
 夢回人遠紅雲一片天際笙簫

又

一舸凌風斗酒酌江翩然乘興東游  
 欲吐平生



孤憤壯氣橫秋浩蕩錦囊詩卷從容玉帳兵籌  
有當時橋下取履仙翁談笑同舟先賢濟世  
偶耳功名事成豈為封留何況我君恩深重欲  
報無由長望東南氣王從教西北雲浮斷鴻萬  
里不堪回首赤縣神州

水龍吟過浯溪

平生只說浯溪斜陽喚渡秋舡繫月華未吐波  
光不動新涼如水長嘯一聲山鳴谷應栖禽驚  
起自顏元者後水流花謝當年事無人記須  
信兩賢不死駕飛車時游此地漫郎宅裏中興

碑下應留履齒酌我清尊洗君孤憤來同一醉  
待相期把袂清都歸路騎鶴去三千歲

又望九華作

竹輿曉入青陽細風涼月天如洗峯回路轉雲  
舒霧卷了非人世轉就丹砂鑄成金鼎碧光相  
倚料天關虎守箕疇龍負開神祕留茲地縹  
緲朱幢羽衛望蓬萊初無弱水仙人拍手山頭  
笑我塵埃滿袂春瑣瑤房霧迷芝圃昔遊都記  
悵世緣未了忽又去空凝竚煙霄裏

多麗



景蕭疎楚江那更高秋遠連天茫、都是敗蘆  
枯蓼汀洲認炊煙幾家蝸舍映夕照一簇漁舟  
去國雖遙寧親漸近數峯青處是吾州便乘取  
波平風靜荃棹且夷猶關情有冥、去鴈拍、  
輕鷗、忽追思當年往事惹起無恨羈愁挂笏  
朝來多爽氣秉燭夜永足清游翠袖香寒朱絃  
韻悄無情江水只東流柁樓晚清商哀怨還聽  
隔舫謳無言久餘霞散綺烟際帆收

蝶戀花

漠、飛來雙屬玉一片秋光染就瀟湘綠雪轉

寒蘆花款、晚風細起波紋縠、落日孤雲歸  
意促小倚蓬窓寫作思歸曲過盡碧灣三十六  
扁舟只在灘頭宿

訴衷情 中秋不見月

晚烟斜日思悠、西北有高樓十分準擬明月  
還似去年遊揮玉筯捲銀鈎喚新愁姮娥貪  
共暮雨朝雲忘了中秋

鷓鴣天 上母夫人壽

阿母蟠桃不記春長沙星裏壽星明金花羅紙  
新裁詔貝葉旁行別授經同犬子祝龜齡天教



二老髯長青明年今日稱觴處更有孫枝滿謝  
庭

又 錢劉共甫

憶昔追遊翰墨場武夷仙伯較文章琅函奏號  
銀臺省擅筆書名御苑墻經十載過三湘橫眉  
麗錦照傳觴醉餘吐出胸中墨只欠彭宣到後  
堂

又 同前

玉殿西頭白玉堂湘江東畔碧油幢北辰躔次  
添星象南國山川解印章隨步武借恩光送公

歸趣舍人裝他年若肯傳衣鉢今日先須酌此  
觴

又 送錢史君守橫州

舞鳳飛龍五百年盡將錦繡裹山川王家券冊  
諸孫嗣主第笙歌故國傳居玉鉉擁金蟬祗今  
門戶慶綿聯君侯合侍明光殿且作橫槎海上  
仙

又 仲欽提刑行部萬里閱四月而後來歸轍奉蔬果為大夫  
人壽

去日清霜菊滿叢歸來高柳絮纏空長驅萬里  
山收瘴徑度層波海不風陰德徧嶺西東天教



慈母壽無窮遙知今日稱觴處衣綵還將衣繡  
同日青霞餘萬壽來高呼紫雲空身軀萬里

又

楚、吾家千里駒老人心事正關渠風流合是  
皆墀玉愛惜真如掌上珠紆綠綬薦芳壺老人  
還醉弟兄扶間將何物為兒壽付與家傳萬卷

書

又 上元啓醮

詠徹瓊章夜向闌天移星斗下人間九光倒影  
騰青簡一氣回春達絳壇瞻北闕祝南山遙知

仙仗簇清班何人曾侍傳柑燕翡翠簾開識聖  
顏

又 同前

子夜封章扣紫清五霞深裏珮環聲驛傳風火  
龍鸞舞步入烟霄孔翠迎蠲簡重羽衣輕金章  
雙引到通明三湘五莞同民樂萬歲千秋與帝  
齡

又

瞻蹕門前識箇人香車油壁照雕輪短襟衫子  
新來棹四直冠兒內樣新秋色淨曉粧勻不知

何事在風塵主公若也憐幽獨帶取妖嬈上玉宸

又

憶昔彤庭望日華忽々枯筆夢生花鬱輪袍曲  
慙新奏風送銀灣犯斗槎追往事及新瓜飛蓬  
何事及蘭麻一江湘水流餘潤千里河堤築淺

沙

又

可意黃花人不知黃花標格世間稀園葵衰露  
迎朝日檻菊迎霜媚夕霏芍藥好是金縷綠藤

紅刺引薔薇姚家別有神仙品似着天香染御

衣

又

割鞞難留乘馬東花枝爭看裊長紅袞衣空使  
斯民戀綠竹誰歌入相同回武事致年豐幾多  
遺恨在湘中深知楚水楓林下不似初聞長樂

鐘

又

又向荊州住半年西風催放五湖舡來時露菊  
團金顆去日池荷剪綠錢斟別酒扣離絃一時



賓從最多賢今宵拚醉花迷坐後夜相思月滿  
川向隄州對半平西風新好正臨冰來前霧落

眼兒媚

曉來江上荻花秋做弄箇離愁半竿殘日兩行  
珠淚一葉扁舟須知此去應難遇直待醉方休  
如今眼底明朝心上後日眉頭

于湖先生長短句卷第二

于湖先生長短句卷第三

虞美人

盧敖夫婦驂鸞侶相敬如賓主森然蘭玉滿樽  
前案舉齊眉樂事看年年我家白髮雙垂雪已  
是經年別今宵歸夢楚江濱也學君家兒子壽  
吾親

又

柳梢梅蕊香全未誰會傷春意一年好處是新  
春柳底梅邊只欠那人、憑春約住梅和柳且  
待些時候錦帆風迅綵舟來却放香苞嬌蕊一

齊開  
 雲消烟漲清江浦碧草春無數江邊幾樹夕陽  
 紅點、征帆吹盡夜來風樓頭月壓章華館我  
 已無腸斷、行雙鴈背人飛織錦迴文空在寄  
 他誰  
 前案舉又  
 清宮初入韶華管宮葉秋聲滿、庭芳草月嬋  
 娟想見明朝喜色動天顏持盃滿勸龍頭客榮  
 遇時難得詞源三峽瀉瞿塘便是醉中空去也

無妨

鵲橋仙

橫波滴素遙山蹙翠江北江南腸斷不知何處  
 御風來雲霧裏釵橫髻亂香羅疊恨蠻牋寫意  
 付與瑤臺女伴醉時言語醒時愁道醒了休教  
 再看

又 上主管壽送南康酒北梨

南州名酒北園珍果都與黃香為壽風流文物  
 是家傳睨血指旁觀袖手東君消息西山爽氣  
 總聚公家戶牖舊時曾識玉堂仙在帝所頻開



薦口

黃陵廟下送君歸去上水舡兒一隻離歌聲斷  
酒盃空容易裏東西南北重湖風月九秋天氣  
冉々新愁如織我家住在楚江濱為頻寄雙魚  
素尺

又落梅

吹香成陣飛花如雪不奈朝來風雨可憐無處  
辟春寒但玉立仙衣數縷清愁萬斛柔腸千結  
醉裏一時分付與君不用嘆飄零待結子成陰

歸去

又吳伯承侍兒

明珠盈斗黃金作屋占了湘中秋色金風玉露  
不勝情看天上人間今夕枝頭一點琴心三疊  
算有詩名消得野堂從此不蕭疎何日向尊前  
喚客

又邢少連送末利

北窓涼透南窓月上浴罷滿懷風露不知何處  
有花來但怪底清香無數炎州珍產吳兒未識  
天與人間獨步冰肌玉骨歲寒時倩問止堂中

留住

間止少連堂名

鵲橋仙

上運使壽

東明大士吾家老子是一元知非二共移甘雨  
趁生朝作萬里豐年歡喜司空山上長沙星裏  
乞與無邊祥瑞仙鄉日月正鎮常春笑人說長  
生久視

踏莎行

長莎花極小作此詞并二枝為伯承欽天諸兄觴薦

洛下根株江南栽種天香國色千金重花邊三  
閣建康春風前十里揚州夢油壁輕車青絲  
短鞵看花日、催賓從而今何許定王城一枝

且為鄰翁送

又別劉子思

古木叢祠孤舟野渡長年與客分携處漠、愁  
陰嶺上雲蕭、別意溪邊樹我已北歸君方南  
去天涯客裏多歧路須君早出瘴烟來江南山  
色青無數

又

五月十三日夜月甚佳戲作

藕葉池塘榕陰庭院年時好月今宵見雲鬢玉  
臂共清寒冰綃霧縠誰裁剪撲粉香綿侵塵  
寶扇遙知掩抑成淒怨去程何許是歸程離觴



為我深心勸  
施葺荒園初開小徑物華還與東風競曲檻暉

暉落照明高城冉孤烟暝柳色金寒梅花雪

靜道人隨處成幽興一盃不惜小留連歸期已

理滄浪艇

又蕭蕭  
萬里扁舟五年三至故人相見尤堪喜山陰乘

興不須回毗耶問疾誰為對不藥身輕高談

心會匆匆我又成歸計他時江海肯相尋綠莎

青若看清貴

又朱漕生朝

桂嶺南邊湘江東畔四年兩見生申旦知君心

地與天通天教仙骨年年換便趁秋風橫翔

霄漢相看黃紙書來喚但令丹鼎永頻添莫辭

酒盞春無筭

菩薩蠻

諸客往赴東鄰之集戲作此小詞

庭葉翻秋向晚砧聲敲月催金剪樓上已清

寒不堪頻倚欄鄰翁開社瓮喚客情應重不

醉且無歸醉時歸路迷

十年長作江頭客  
檣竿又掛西風席  
白鳥去邊明楚山  
無數青倒冠仍落  
珮我醉君同醉  
試問識君否  
青山與白鷗

又

雪消墻角收燈後  
野梅官柳春全透  
池閣又東風  
燭花燒夜紅  
一尊留好歌  
歌盡欄干月已  
醉不須歸  
試聽烏夜啼

又 立春

絲全縷翠幡兒小  
裁羅撚線花枝裊  
明日是新

春風生鬢雲  
吳霜看點染  
愁裏春來淺  
只願此花枝  
年年常戴伊

又

蘼蕪白芷愁煙渚  
曲瓊飛捲江南雨  
心事怯衣單  
樓高生晚寒  
雲鬟香霧濕  
翠袖淒餘泣  
春去有來時  
春從沙際歸

又

恰則春來春又去  
憑誰說與春教住  
與問坐中人  
幾回迎送春  
明年春更好  
只怕人先老  
春去有來時  
願春長見伊



又 林柳州生朝

史君家枕吳波碧朱門鋪手搖雙戟也到嶺邊  
州真成汗漫遊歸期應不遠趁得東江煖翁媪  
雪垂肩雙雙平地仙

生查子

詠摺疊扇

宮紗蜂趕梅寶扇鸞鳥開翅數摺聚清風一捻生  
秋意 搖搖雲母輕裊瓊枝細莫解玉連環  
恐作飛花墜

臨江仙

帥長沙寄靜江三故人張仲欽朱漕滕憲

試問宜齋樓下竹年來應長新篁使君五嶺又

三湘舊游知好在熟處更難忘 尚念論心舒  
嘯不只今湖海相望遙憐陰至酒尊涼舉觴須  
酌我樓外是清江

又

菴畫樓前初立馬隔簾笑語相親鉛華洗盡見  
天真衫兒輕罩霧鬢子直梳雲翠葉銀絲簪末  
利櫻桃澹注香唇見人不語解留人數盃愁裏  
酒兩眼醉時春

二郎神

坐中客共千里瀟湘秋色漸萬寶西成農事了

子湖詩卷三  
擺徑看黃雲阡陌橋口橘洲風浪穩嶽鎮聳倚  
天青壁追前事興亡相續空與山川陳迹南  
國都會繁盛依然似昔聚翠羽明珠三市滿樓  
觀湧參差金碧乞巧處家追樂事爭要做豐  
年七夕願明年強健百姓歡娛還如今日

于湖先生長短句卷第三

于湖先生長短句卷第四  
浣溪沙

只倚精忠不要兵卷旗直入蔡州城賊營半夜  
落妖星萬旅連屯看整暇十眉環坐却娉婷

白麻早晚下天庭

又 餞劉共甫

玉節珠幡出翰林詩書謀帥眷方深威聲虎嘯  
復龍吟我是先生門下士相逢有酒莫辭斟  
高山流水遇知音

又



絕代佳人淑且真雲為肌骨玉為神燭前花底  
不勝春倚竹袖長寒卷翠凌波襪小暗生塵  
十分京洛舊來人

又

行盡瀟湘到洞庭楚天濶處數峰青旗梢不動  
晚波平紅蓼一灣紋縵亂白魚雙尾玉刀明  
夜涼船影浸踈星

又

只說閩山錦繡幃忽從團扇得生枝綰紅衫子  
映豐肌春線應憐壺漏永夜針頻見燭花摧

塵飛一騎憶來時

又瑞香

曠後春前別一般梅花枯淡水仙寒翠雲裘着  
紫霞冠妙品只今推第一寶香元不是人間  
為君更酌小龍團

又餞別鄭憲

寶蠟燒香夜影紅梅花枝傍錦熏籠曲瓊低捲  
瑞香風萬里江山供燕几一時賓主看談鋒  
問君歸計莫匆

又荆州約馬奉先登城樓觀塞

霜日明霄水蘸空鳴鞘聲裏繡旗紅澹烟衰草  
有無中倚萬里中原烽火此一尊濁酒成樓東  
酒闌揮泪向悲風

再用韻

宮柳垂垂碧照空九門深處五雲紅朱衣只在  
殿當中細撚絲梢龍尾北緩携綸旨鳳池東阿  
婆三五笑春風

六客西來共一舟吳兒蹋浪翦輕鷗水光山影  
翠相浮我欲吹簫明月下略須停棹晚風頭

從前三五到蘄州

又

已是人間不繫舟此心元自不驚鷗卧看駭浪  
與天浮對月只應頻舉酒臨風何必更搔頭  
暝煙多處是神州

又中秋十八客

同是登瀛冊府仙今朝聊結社中蓮胡笳按拍  
酒如泉喚起封姨清晚暑更將荔子薦新圓  
從今三五夜嬋娟

又



日煖簾幃春晝長，纖纖玉指動枰床。低頭佯不顧檀郎，正萱蔻枝頭雙蛺蝶，芙蓉花下兩鴛鴦。壁間聞得唾絨香。

同是登又 錢劉共父

射策金門記昔年，又教潘翰入陶甄。不妨衣鉢再三傳，粉淚但能添楚竹，羅巾誰解繫吳舡。捧盃猶願小留連。

又 烟州亭定夫置酒作

灩：湖光綠一圍，脩林斷處白鷗飛。天機雲錦蘸空霏，乞我百弓真可老，為公一飲醉忘歸。

扁舟日，弄晴暉

又 過臨川席上賦此詞

我是臨川舊史君，而今欲作嶺南人。重來遼鶴事猶新，去路政長仍酷暑，主公文契更情親。橫秋閣上晚風勻。

又 同前

康樂亭前種此君，重來風月苦留人。兒童竹馬笑談新，今代孟公仍好客，政成歸去眷方新。十眉環坐晚粧勻。

又

羅襪生塵洛浦東  
美人春夢瑣窓空  
眉山細蹙恨千重  
坐上海上蟠桃留  
結子渥洼天馬去  
追風不須多怨主人公

西江月

諸老何煩薦口先生自簡淵衷  
千年聖學有深功妙處無非日用  
已授一編圮下却須三顧隆中  
鴻鈞早晚轉春風我亦從君賈勇

又 丹陽湖

問訊湖邊春色重  
來又是三年東風吹我過湖  
船楊柳絲、拂面世路如今已慣  
此心到處

悠然寒光亭下水連天  
飛起沙鷗一片

又 同僚飲錢宜齋

窓戶青紅尚濕主人已作歸期  
坐中賓客盡鄙枚盛事他年誰繼  
別酒深、頻勸離歌緩、休催扁舟  
明日轉清溪好月相望千里

又

不識平原太守向來水北山人  
世間功業謾虧成華髮蕭、滿鏡  
幸有田園故里聊分風月江城  
西波西畔晚波平袖手時來照影

又 代五三宣教上母夫人壽



慈母行封大國老仙早上蓬山天憐陰德徧人  
間賜與還丹七返莫問清都紫府長教綠鬢  
朱顏年々今日綵衣斑兄弟同扶酒盞  
滿載一舸秋色平鋪千里湖光波神留我看斜  
陽放起鱗々細浪明日風回更好今宵露宿  
何妨水晶宮裏奏霓裳準擬岳陽樓上  
冉々寒生碧樹盈々露濕黃花故人玉節有光  
華高會仍逢戲馬世事只今如夢此身到處

為家與君相遇更天涯拚了茱萸醉把

又

庾樓陪諸公飲醉甚和向巨源任子嚴陶茂安韻呈周悅道使刻之樓上

樓外踈星印水樓頭畫燭烘蓮憑高舉酒思厭  
厭征路虛無指點酒興因君開闊山容向我  
增添一鉤新月弄纖々濃霧花房半斂

又

十里輕紅自笑兩山濃翠相呼意行着脚到精  
廬借我繩床小住解飲不妨文字無心更狎鷗  
魚一聲長嘯暮烟孤袖手西湖歸去

減字木蘭花

上黃倅宅太淑人壽

慈闈生日見說今年、九十戲綵盈門大底孩  
兒七箇孫、人間喜事只這一般誰得似願我  
雙親都似君家太淑人

又

江頭送客楓葉荻花秋瑟、絃索休彈清淚無  
多怕濕衫、故人相遇不醉如何歸得去我自  
忘歸烟滿空江月滿堤

又

一尊留夜寶蠟烘簾光、激射凍合銅壺細聽冰  
簷夜剪酥、清愁冉冉酒喚紅潮登玉臉明日

重看玉界瓊樓特地寒

又

臘月二十六日立春

春如有意未接年華春已至春事還新多得年  
時五日春、春郊便綠只向臘殘春已足屈指  
元宵正是新春二十朝

減字木蘭花

贈尼

吹簫泛月往事悠、那更說碎破琉璃陡覺從  
前萬事非、清齋淨戒休作斷腸垂泪債識破  
囂塵作箇逍遙物外人

又



子海詩卷四  
柳花搦柳知道東君留意久慘綠愁紅憔悴都  
因一夜風輕狂胡蝶擬欲扶持心又怯要免  
離披不告東君更告誰  
醉落魄  
輕黃淡綠可人風韻閑裝束多情早是眉峯蹙  
一點秋波閑裏覩人毒  
桃花庭院光陰速銅  
鞦誰唱大堤曲歸時想是櫻桃熟不道秋千誰  
伴那人蹴

憶秦娥

上元遊西山作

元宵節鳳樓相對鰲山結鰲山結香應隨步柳

稍微月  
多情入見珠簾揭遊人不放笙歌歇  
笙歌歇曉煙輕散帝城宮闕

又

天一角南枝向我情如昨情如昨水寒烟淡霧  
輕雲薄  
吹花嚼蕊愁無託年華冉冉驚離索  
驚離索倩春留住莫教搖落

念奴嬌

星沙初下望重湖遠水長雲漠漠一葉扁舟誰  
念我今日天涯飄泊平楚南來大江東去處  
風波惡吳山何地滿懷俱是離索  
常記送我

行時綠波亭上泣透青羅薄  
檣燕低飛人去後  
依舊湘城簾幙不盡山川無窮  
烟浪辜負秦樓  
約漁歌聲斷為君珠淚傾落

浣溪沙

湓浦從君已十年京江仍許借歸舡  
相逢此地  
有因緣  
十萬貔貅環武帳  
三千珠翠入歌筵  
功成去作地行仙

又

一片西飛一片東高情已逐落花空  
舊歡休問  
幾時重  
結習政如刀舐蜜  
掃除須著絮因風

諸君持此問龐公

柳梢青

碧雲風月無多莫被名韉利鎖  
白玉為車黃金  
作印不戀休呵  
爭如對酒當歌  
人非恁  
麼年少甘羅老成呂望必竟如何

于湖先生長短句卷第四



于湖先生長短句卷第五

醜奴兒

年、有箇人生日誰是君家誰是君家八十慈  
親髮未華 掌陰閣上崇陰滿、勸流霞滿勸  
流霞來歲應添宰路沙

又

十分濟楚邦之媛此日追游雨霽雲收夢入瀟  
湘不那愁 主人白玉堂中老曾侍凝旒滿酌  
瓊舟即上羲皇香案頭

又

珠烟壁月年時節纖手同携今夕誰知自撚梅  
花勸一卮逢人問道歸來也日佳期管有  
來時趁得收燈也未遲

無雙誰似黃郎子自鄙無譏月滿星稀想見歌  
塲夜打圍畫眉京兆風流甚應賦蚺蟻楊柳  
依何日文簫共駕歸

點絳脣

綺燕高張玉潭月麗玻璃滿旆霞行卷無復長  
安遠夏木陰路裊薰風轉空留戀細吹銀

管別意隨聲緩

又

四到蘄州今年更是逢重九應時納佑隨分開  
尊酒婁舞婆娑醉我平生友休回首世間何  
有明月踈柳

卜筮子

雪月最相宜梅雪都清絕去歲江南見雪時月  
底梅花發今歲早梅開依舊年時月冷艷孤  
光照眼明只欠些兒雪

又



萬里去擔簦誰識新豐旅好事些兒說與郎奴  
是姮娥侶若到廣寒宮但道奴傳語待我仙  
郎折桂枝揀箇高枝與

南歌子 上吳提宮壽

人物羲皇上詩名沈謝間漫郎元是漫為官醉  
眼青騰只擬看相山小隱真成趣鄰翁獨往  
還野堂梅柳尚春寒且趁華燈頻泛酒舡寬

又

曾到蘄州否人說史君史君牙具合經綸小  
試邊城早晚上星辰佳節重陽近清歌午夜

新舉盃相屬莫辭頻後日相思我已足行人

望江南

題南岸銓德觀

談子醉獨立睨東風未試玉堂揮翰手只今楚  
澤釣魚翁萬里舉盃空謀一笑與君同身老  
南山看射虎眼高四海看飛鴻赤岸晚潮通

又

朝元去深殿扣瑤鍾天近月明黃道冷參回斗  
轉碧霄空身在九光中風露下環珮響丁東  
玉案燒香縈翠鳳松壇移影動蒼龍歸霞海霞  
紅



柳梢青

蔣文粟兄超朝錢文茹橫槎宗文如古藤孝祥置酒作別賦此以侑尊

滿城風雨重陽時節更催行色隴樹寒輕海山  
秋老清愁如織一杯莫惜留連我亦是天涯  
倦客後夜相思水長山遠東西南北

又

草底蛩吟煙橫水際月澹松陰荷動香濃竹深  
涼早銷盡煩襟髮稀渾不勝簪更客裏吳霜  
暗侵富貴功名本來無意何況如今

鳳棲梧

畫戟游閑刀入鞘安石榴花影落紅欄小似勸

先生須飲耐枕中鴻寶微傳妙  
袞、鋒車還  
急詔滿眼瀟湘揔是恩波渺歸去槐庭思楚嶠  
觚稜月曉期分照

瑞鷓鴣

香珮潛分紫繡囊野塘波急拆鴛鴦春風灞岸  
空回首落日西陵更斷腸雪下哦詩憐謝女花  
間為令勝潘郎從今千里同明月再約圓時拜  
夜香

青玉案

送頻統轄行

相春堂上聞鶯語正花柳芳菲處有底尊前懽



且舞滿堂賓客紫泥丹詔袞、烟霄路 君王  
天縱資仁武要尺筭平驕虜思得英雄親駕馭  
將軍行矣九重虛寧談笑清寰宇

南鄉子

刑監廟餞送朱太傅張直閣阻雨賦此詞

江上送歸舫風雨排空浪拍天賴有清尊澆別  
恨淒然寶蠟燒花看吸川楚舞趨湘絃煖響圍  
春錦帳檀坐上定知無俗客俱賢便是朱張與

少連

少連謂刑監廟

清平樂

光塵撲、宮柳低迷綠鬪鴨闌干春詰曲簾額

微風繡蹙

碧雲青翼無憑困來小倚雲屏楚

夢未禁春晚黃鸝猶自聲

又

向來省左謀國叅伊呂暫借良儔匪再舉談笑  
肅清三楚良辰上客徜徉奏篇欲記傳香此日  
一尊相屬它時同在巖廊

又詠梅

吹香嚼蕊獨立東風裏欲凍雲驕天似水羞殺  
天桃穠李如今見說闌干不禁月冷霜寒嶺  
上驛程人遠城頭戍角聲乾

霜天曉角

柳絲無力冉、縈柔碧繫我舡兒不住楚江上  
曉風急 棹歌休怨抑有人離恨極說道歸期  
不遠剛不信淚偷滴

歸梧謠送劉郎

歸拾萬人家兒樣啼公歸去何日是來時

又

歸獵、薰風卷繡旗攔教住重舉送行盃

又

歸數得宣麻拜相時秋前後公衮更萊衣

醜奴兒

伯鸞德耀賢夫婦見說宜家見說宜家庭砌森  
森長玉華 天公遣注長生籍服日 飡霞服日  
飡霞壽紀應須海算沙

蝶戀花

君泛仙楂銀海去後日相思地角天涯路草  
盃盤深夜語冥、四月黃梅雨 莫拾明珠并  
翠羽但使斯民愛我如慈母待得政成民按堵  
朝天衣袂翩、舉



于湖先生長短句卷第五終

于湖先生長短句拾遺目錄

狀元張

孝祥

安國

撰

念奴嬌

大石調二首

驀山溪

大石調一首

拾翠羽

大石調一首

蝶戀花

商調二首

踏莎行

中呂調一首

漁家傲

般涉調一首

夜遊宮

般涉調一首

鷓鴣詞

大石調三首

菩薩蠻

正平調七首

南歌子

轉調一首

鵲橋仙

中呂調一首

燕歸梁

高平調一首

訴衷情

商調一首

浣溪沙

黃鍾宮三首

卜算子

高平調一首

醜奴兒

大石調一首

點絳脣

仙呂調二首

水調歌頭

大石調二首

西江月

中呂調四首

滿江紅

仙呂調一首

拾遺目終

于湖先生長短句拾遺

念奴嬌

海雲四歛太清樓極目一天秋色明月飛來雲  
霧盡城郭山川歷々良夜悠々西風嫋々銀漢  
冰輪側雲霓三弄廣寒宮殿長笛偏照紫府  
瑤臺香籠玉座翠靄迷南北天上人間凝望處  
應有乘風歸客露滴金盤涼生玉宇滿地新霜  
白壺中清賞盡簷高掛虛碧

同前

風帆更起望一天秋色離愁無數明日重陽尊



酒裏誰與黃花為主別岸風煙孤舟燈火今夕  
知何處不如江月照伊清夜同去 船過采石  
江邊望夫山下酌水應懷古德耀歸來雖富貴  
忍弃平生荆布默想音容遙怜兒女獨立衡臯  
暮桐鄉君子念予憔悴如許

驀山溪

雄風豪雨時節清明近簾幙起輕寒煖紅爐笑  
翻灰燼陰蕨遲日欲驗幾多長繡工慵圍碁倦  
香篆頻銷印 茂林芳徑綠變紅添潤桃杏意  
酣 占前頭一番花信華堂尊酒但作艷陽歌

禽聲喜流雲盡明日春遊俊

拾翠羽

春入園林花信摠諸遲速聽鳴禽稍遷喬木天  
桃弄色海棠芬馥風雨霽芳徑草心頻綠 襖  
事纔過相次禁煙追逐想千歲楚人遺俗青旗  
沽酒各家炊熟良夜遊明月勝燒紅燭

蝶戀花

秦樂家賞花

爛 明霞紅日暮艷 輕雲皓月光初吐傾國  
傾城恨無語綵鸞祥鳳來還去 愛花長為花  
留駐今歲風光又是前春處醉倒扶歸也休訴



習池人笑山翁語

同前

恰則杏花紅一樹  
撚指來時結子青  
無數漢  
春陰纏柳絮  
一天風雨將春去  
春到家山須  
少住芍藥櫻桃  
更是尋芳處  
曉院碧蓮三百畝  
留春伴我春應許

踏莎行

楊柳東風海棠春雨  
清愁冉冉無來處  
曲徑驚  
飛蛺蝶叢回塘凍濕  
鴛鴦侶  
舞徹霓裳歌殘  
金縷  
蘼蕪白芷愁烟渚  
欲識陽臺夢裏雲  
細聽

華表歸來語

漁家傲

紅白蓮不可並栽用酒盆種之遂皆有花呈周倅

紅白蓮房生一處  
雪肌霞艷難為喻  
當是神仙  
來紫府  
雙稟賦人間  
相見猶相妬  
清雨輕烟  
凝態度  
風標公子來  
幽鷺欲遣微波傳  
尺素歌  
曲悞醉中自有周郎顧

夜蓮宮

句景亭

聽話危亭句景芳郊  
迥草長川永不待  
崇岡與  
峻嶺倚欄杆  
望無窮  
心已領  
萬事浮雲影  
最  
曠濶鷺閑鷗靜  
好是炎天煙雨醒  
柳陰濃  
芰荷



香風日冷無精氣  
月地雲堦歡意闌  
仙姿不合住人間  
驂鸞已恨車塵遠  
泣鳳空餘燭影殘  
情脉脉、淚珊珊、梅  
花音信隔關山  
只應楚雨清留夢  
不那吳霜綠  
易斑

同前詠

桃花菊

桃換肌膚菊換粧  
只疑春色到重陽  
偷將天上千年艷  
染却人間九日黃  
新艷冶舊風光  
東籬分付武陵香  
樽前醉眼空相顧  
錯認陶潛是

阮郎

同前送陳倅正字攝峽州

人物風流冊府仙  
誰教落魄到窮邊  
獨班未引甘泉伏  
三峽先尋上水船  
斟楚酒扣湘絃  
竹枝歌裏意悽然  
明時合下清猿淚  
閒日頻題采鳳牋

菩薩蠻

西齋為杏花寓言

東風約略吹羅幕  
一簷細雨春陰薄  
試把杏花看  
濕紅嬌暮寒  
佳人雙玉枕  
烘醉鴛鴦錦  
折得最繁枝  
暖香生翠幃



同前  
燕脂淺染雙珠樹春風到處嬌無數不語恨慙  
慙何人思故園故園花爛熳笑我歸來晚我老  
只思歸故園花雨時

同前回文

落霞殘照橫西閣西橫照殘霞落波淺戲魚  
多魚戲淺波手携行客酒客行携手腸斷  
九歌長歌九斷腸

同前回文

渚蓮紅亂風翻雨翻風亂紅蓮渚深處宿幽

禽幽宿處深澹粧秋水鑑水秋粧澹明月  
思人情人思月明

同前回文

晚花殘雨風簾捲簾風雨殘花晚雙燕語虛  
牕虛語燕雙睡醒風愜意愜風醒睡誰與  
話情詩情話與誰

同前回文

白頭人笑花間客問花笑人頭白年去似流  
川流似去年老羞何事好事何羞老紅袖  
舞香風香舞袖紅



同前

玉龍細默三更月庭花影下餘殘雪寒色到書  
惟有人清夢迷墻西歌吹好獨暖香閨小多病  
怯杯觴不禁冬夜長

南歌子

過嚴關

路盡湘江水人行瘴霧間昏、西北度嚴關天  
外一簪初見嶺南山北鴈連書斷秋霜點鬢  
斑此行休問幾時還唯擬桂林佳處過春殘  
鵲橋仙

湘江東畔去年今日堂上簪纓羅綺弟兄今日

拜尊前共一笑歡、喜、渚宮風月邊城鼓  
角更好親庭一醉、時重唱去年詞願來歲強  
如今歲

燕歸梁

風柳搖絲花纏枝滿日韶輝離鴻過盡百勞飛  
都不似燕來歸舊來王謝堂前地情分獨依  
依畫梁雕拱啓朱扉看雙舞羽人衣

訴衷情牡丹

亂紅深紫過群芳初欲減春光花王自有標格  
塵外鎖韶陽留國艷問仙鄉自天香翠帷遮



日紅燭通宵與醉千觴

浣溪沙 母氏生辰老者同在舟中

穩泛仙舟上錦帆桃花春浪舞清灣壽星相伴

到人間黃石公傳三百字西王母授九霞丹

銀潢有路接三山

同前 以貢茶沉水為齊伯壽

北苑先春小鳳團炎州沉水勝龍涎殷勤送與

繡衣仙玉食向來思苦口芳名久合上凌烟

天教富貴出長年

同前 發公安風月甚佳明日至石首風雨驟至留三日同行諸公皆有詞孝祥用韻

方船載酒下江東孤管橫時浪拍空萬山紫翠

晚雲重擬看岳陽樓上月不禁石首岸頭風

作牋我欲問龍公

卜筮子

風生杜若洲日暮垂楊浦行到田、亂葉邊不

見凌波女獨自倚危欄欲向荷花語無奈荷

花不應人背立啼紅雨

醜奴兒

伯鸞德耀賢夫婦見說宜家見說宜家庭下森

森長玉華天公遣注長生籍服日餐霞服日



殮霞壽紀應須海筭沙

點絳唇

萱草榴花畫堂永晝風清暑麝團菰黍助泛葛

蒲醕兵辟神符命續同心縷宜歡聚綺筵歌

舞歲酬重午

同前

秩賓筵玉潭春漲波瓊滿旆霞風卷可但長

安遠夏木成陰路裊薰風轉空留戀細吹銀

管別意隨聲緩

西江月

風靜灘聲未已雨晷蓬底先知岸邊楊柳最憐

伊憶得扁舟曾繫朝霧平吞白塔茅簷似有青

旗三盃村酒醉如泥天色寒呵且睡

同前

以寶鼎隋人寫小字蓮經為摠得壽

漢鑄九金神在隋書小字蓮經剛風劫去轉青

亘護守應煩仙聖昨夢傳來帝所今朝壽我

親庭只將此寶伴長生談笑中原底定

同前

飲百花亭為武夷樞密先生作亭望廬山雙劍峯為惡竹所蔽是夕盡伐去

落日鎔金萬頃晴嵐洗劍雙峯紫樞元是黑頭

公佳處因公愈重分得湖光一曲喚回廬岳



千峯一尊今夜偶然同早晚商巖有慶

同前 為劉樞密太夫人壽

疇昔通家事契即今兩鎮交承起居樞密太夫人  
綠鬢斑衣相映 乞得神仙元醞祝教福祿  
千春台星直上壽星明長見門闌鼎盛

水調歌頭 方務德告

紫橐論思舊碧落拜除新內家敕使傳詔親付  
玉麒麟千里江山增麗是處旌旗改色佳氣鬱  
輪囷看取連霄雪借與萬家春 建崇牙開盛  
府是生辰十洲三島都向今日祝松椿多少活

人陰德合向無邊長壽惟有我知君來歲更今  
日一氣轉洪鈞

同前過岳陽樓作

湖海倦游客江漢有歸舟西風千里送我今夜  
岳陽樓日落君山雲氣春到沅湘草木遠思渺  
難收徙倚欄干久缺月掛簾鈞 雄三楚吞七  
澤隘九州人間好處何處更似此樓頭欲吊沉  
纍無所但有漁兒樵子哀此寫離憂回首叫虞  
舜杜若滿芳洲

滿江紅



千古淒涼興亡事但悲陳迹迷望眼吳波不動  
楚山叢碧巴滇綠駿追風遠武昌雲旆連江赤  
笑老姦遺臭到如今留空壁軍書靜煙烽息  
通輶傳消鋒鏑仰太平天子坐收長策踟躕揚  
州開帝里渡江天馬龍為匹者東南佳氣鬱葱  
葱傳千億

于湖先生長短句拾遺

張紫微雅詞序  
昔東坡見少游上巳遊金明池詩有簾幙千家  
錦繡垂之句曰學士又入小石調矣世人不察  
便謂其詩似詞不知坡之此言蓋有深意夫鏤  
玉雕瓊裁花剪葉唐末詞人非不美也然粉澤  
之工反累正氣東坡慮其不幸而溺乎彼故援  
而止之惟恐不及其後元祐諸公嬉弄樂府寓  
以詩人句法無一毫浮靡之氣實自東坡發之  
也于湖紫微張公之詞同一關鍵始公以妙  
年射策魁天下不數歲入直中書帝將大用

之未幾出守四郡多在三湖七澤間何哉衡謂  
茲地自屈賈題品以來唐人所作不過柳枝竹  
枝詞而已豈以物色分留我公要與大江東  
去之詞相為雄長故建牙之地不於此而於彼  
也歟建安劉溫父博雅好事於公文章翰墨尤  
所愛重片言隻字莫不珍藏既哀次為法帖又  
別集樂府一編屬予序之以冠于首衡嘗獲從  
公游見公平昔為詞未嘗著藁筆酣興健頃刻  
即成初若不經意反復究觀未有一字無來處  
如歌頭凱歌登無盡藏岳陽樓諸曲所謂駿發  
蹕厲寓以詩人句法者也自仇池仙去能繼其  
軌者非公其誰與哉覽者擊節當以予為知言  
軋道辛卯六月望日陳郡湯衡撰







